

Univerzitet u Sarajevu – Institut za historiju
Komisija za izbor u istraživačko zvanje
Sarajevo, 22. 8. 2024. godine

UNIVERZITET U SARAJEVU INSTITUT ZA HISTORIJU Broj: <u>0301 - 540/24</u> Datum: <u>23. 08. 2024</u>

Univerzitet u Sarajevu – Institut za historiju
Vijeću Instituta

Na osnovu člana 29, stav (7) Zakona o naučnoistraživačkoj djelatnosti („Službene novine Kantona Sarajevo“ broj 26/16), a po osnovu Konkursa za izbor u zvanje višeg stručnog saradnika za oblast moderne historije na Univerzitetu u Sarajevu - Institut za historiju, raspisanog u utorak, 16. jula/srpnja 2024. godine u dnevnom listu „Dnevni avaz“ i na web stranici Instituta za historiju, te u skladu sa Potvrdom sekretara Instituta za historiju (br: 03-01-521/24 od 12. 08. 2024. godine), Komisija za izbor u zvanje imenovana Odlukom Vijeća Instituta za historiju (br: 01-01-531/24 od 14. 08. 2024. godine) je nakon razmatranja pristiglog materijala konstatala blagovremenost i potpunost prijave jednog (1) kandidata, Ajdina Muhedinovića, MA, te u skladu sa Odlukom o imenovanju Komisije za izbor u istraživačko zvanje i uvjetima Zakona i Konkursa, ima čast Vijeću Instituta podnijeti *sljedeći*:

IZVJEŠTAJ

Na Konkurs za izbor u zvanje višeg stručnog saradnika za oblast moderne historije na Univerzitetu u Sarajevu - Institut za historiju, raspisanom u utorak, 16. jula/srpnja 2024. godine u dnevnom listu „Dnevni avaz“ i na web stranici Instituta za historiju, prijavio se jedan (1) kandidat, Ajdin Muhedinović, MA, sa adresom prebivališta u ulici Budmolići bb, Hadžići i adresom stanovanja u ulici Branilaca Šipa 23, Sarajevo. U Prijavi, kandidat Ajdin Muhedinović je naveo da se prijavljuje na radno mjesto u Univerzitetu u Sarajevu – Institutu za historiju na poziciju „viši stručni saradnik za oblast moderne historije – 1 izvršilac“, što je sekretar Instituta za historiju potvrdio gore navedenom Potvrdom i konstatirao da je „prijava [je] blagovremena i uredno svojeručno potpisana, dostavljeni su svi potrebni dokumenti traženi konkursom i konstatuje se da je prijava potpuna i usklađena sa uvjetima utvrđenim konkursom“. Cijeneći Prijavu kandidata Ajdina Muhedinovića, Komisija potvrđuje da je Muhedinović uz Prijavu priložio sljedeća dokumenta: Diplomom o završenom I ciklusu studija sa dodatkom diplomi/dokazom o prosjeku ocjena (ovjerena kopija), Diplomom o završenom II ciklusu studija sa dodatkom diplomi/dokazom o prosjeku ocjena (ovjerena kopija), Uvjerenje o državljanstvu (original), Izvod iz matične knjige rođenih (ovjerena kopija), Biografiju (CV)

sa bibliografijom u printanoj formi, Goethe – Zertifikat C1 – uvjerenja o poznavanju njemačkog jezika (ovjerena kopija), OAK certifikat – uvjerenje o poznavanju engleskog jezika (original), Certifikat o završenoj Erasmus+ razmjeni (Short Term Doctoral Mobility – kopija), potpisane kopije objavljenih radova od posljednjeg izbora u zvanje te Potvrdu Univerziteta u Sarajevu – Filozofskog fakulteta o statusu članka pod naslovom „Djelovanje i uloga Muslimanskog dobrotvornog društva 'Merhamet' u Drugom svjetskom ratu“ (original).

Ajdin Muhedinović, MA, rođen je 18. novembra 1994. godine u Baden-Badenu, SR Njemačka, a živi i radi u Bosni i Hercegovini. Od 2009. do 2013. pohađao je i završio Opću gimnaziju u Ključu, nakon čega je upisao I ciklus studija na Odsjeku za historiju Filozofskog fakulteta. Studij je okončao 2016. godine prosječnom ocjenom 8.6 odbranom teze pod naslovom „Sabor i Zemaljska vlada“ pod mentorstvom prof. dr. Edina Radušića, te stekao stručno zvanje bakalaureat/bachelor historije, BA. Školovanje je nastavio na istom odsjeku upisavši II ciklus studija u vremenskom periodu od 2016. do 2018. godine. Drugi ciklus studija završio je 12. 10. 2018. godine prosječnom ocjenom 9.3 i odbranom teze pod naslovom „Uloga SUBNOR-a u obilježavanju Narodnooslobodilačkog rata tokom 1970-ih godina“ pod mentorstvom doc. dr. Amira Duranovića, nakon čega je stekao akademsku titulu magistra historije – nastavni smjer, MA. Upisao je 2021. godine i trenutno pohađa III ciklus studija – doktorski studij na Odsjeku za historiju te ima prijavljenu temu doktorske disertacije i imenovanog mentora, prof. dr. Amira Duranovića. U toku studija, naročito na II ciklusu studija je počeo pokazivati interes za naučnoistraživački rad, stručno i praktično osposobljavanje, dalje usavršavanje i stjecanje dodatnih kvalifikacija za naučnoistraživački rad u oblasti historiografije, odnosno, u oblasti humanističkih nauka, polje historija, grana historija Bosne i Hercegovine u 19. i 20. stoljeća te pokazuje naročito interesovanje za modernu historiju Bosne i Hercegovine, Drugi svjetski rat, kulturu sjećanja, historiju medija i sl.

Od 2019. godine radi u Institutu za historiju u zvanju višeg stručnog saradnika za modernu historiju. Uz maternji bosanski jezik, priloženim certifikatima potvrđuje znanje njemačkog i engleskog jezika, a aktivno uči italijanski jezik. Kao student II i III ciklusa studija uključio se u više neformalnih, ali neophodnih programa obrazovanja, poput ljetnih škola, radionica, stručnih seminara fokusiranih na mlade, njihovo međusobno povezivanje, umrežavanje te ostvarivanje pretpostavki za razvoj profesionalne karijere u domaćim i međunarodnim stručnim i znanstvenim okvirima.

Nakon početka profesionalne karijere na Institutu za historiju od 2019. godine, učestvovao je na više stručnih i naučnih konferencija, ljetnih škola, bio angažiran u svojstvu sekretara Redakcije časopisa *Prilozi* (2020) i *Historijska traganja* (2024), aktivno participirao

u programima stručnog usavršavanja u realnom i online okruženju. Time je iskazao posvećenost daljem usavršavanju i stručnom osposobljavanju. Ipak, najznačajnijim smatramo to što kandidat Ajdin Muhedinović ima zavidnu bibliografiju ostvarenu u proteklom periodu u cjelini, odnosno, u periodu od izbora u trenutno zvanje te učešće i realizaciji naučnoistraživačkih i stručnih projekata u okviru matične institucije – Instituta za historiju.

Od 2019. godine, kada je počeo raditi u Institutu za historiju, realizirao je sljedeće stručne i naučne aktivnosti:

- **2019**
 - Međunarodna naučna konferencija: „Prijelomne godine bosanskohercegovačke prošlosti“; Univerzitet u Sarajevu – Institut za historiju, Sarajevo 22. i 23. novembar 2019. Naslov izlaganja: Interpretacija ZAVNOBiH-a u bosanskohercegovačkim medijima (1990- 1995).
- **2021**
 - Naučni skup "Slovo o Mostaru", Fakultet humanističkih nauka Univerziteta "Džemal Bijedić", Mostar, 2021; Naslov izlaganja: "Jedan umirući grad": Mostar u putopisu Hermanna Wendela.
 - Znanstveni kolokvij Povijest u javnom prostoru "Markiranje prostora – spomenici i spomen- obilježja", Kliofest, udruga za promicanje kulture povijesti, Zagreb, 2021. Naslov izlaganja: Uloga spomenika i spomen obilježja u bosanskohercegovačkom društvu: nekoliko primjera korištenja "povijesti" u javnom prostoru.
- **2023**
 - Znanstveni skup s međunarodnim sudjelovanjem "DRUŠTVA I BOLESTI: odgovori na zdravstvene krize u modernoj i suvremenoj povijesti", Filozofski fakultet Sveučilišta Josipa Jurja Strossmayera, Osijek, 20-21. april 2023. Naslov izlaganja: Utjecaj zaraznih bolesti na odnos lokalne razine vlasti prema izbjeglicama u Sarajevu 1941./1942.
 - Okrugli sto "Meokrnje – simbol borbe protiv fašizma" na temu: "Antifašistička borba u Travničkom kraju u Drugom svjetskom ratu i Odbrambeno-oslobodilačkom ratu", Travnik, 12, septembar 2023. Naslov izlaganja: Djelovanje Merhameta u BiH u toku Drugog svjetskog rata. Politički aspekt humanitarnog društva.

- Naučni skup „Bošnjaci u emigraciji: Adil Zulfikarpašić i nacionalno-politički vidokrug časopisa *Bosanski pogledi*. Organizator: Bošnjački institut – Fondacija Adil Zulfikarpašić. Naslov izlaganja: Muslimani Bosne i Hercegovine u Drugom svjetskom ratu kroz prizmu *Bosanskih pogleda*.
- **2024**
 - Organizator i uvodničar na stručnoj radionici povodom osamdesetogodišnjice sastanka predsjednika Vlade Nezavisne Države Hrvatske, Nikole Mandića, i skupine muslimanskih predstavnika. Uvodno izlaganje pod naslovom „Promemorija“, Univerzitet u Sarajevu – Institut za historiju, 29. aprila. 2024.
 - Konferencija, sa online učešćem. Refugees, Exiles and Migrations. Faculty of Arts and Humanities University of Coimbra, Portugal. 11. i 12. juli 2024. Naslov izlaganja: The Problem of Infectious Diseases and Refugees in Sarajevo during the Second World War (referat na engleskom jeziku).

Kako se može vidjeti iz navedenog, Ajdin Muhedinović aktivno učestvuje u stručnim i naučnim aktivnostima koje se realiziraju u Bosni i Hercegovini i inozemstvu, propituje ranije poznata i nedovoljno apsolvirana pitanja u bosanskohercegovačkoj historiografiji, doprinosi otvaranju novih tema pa se sve navedeno odrazilo i na bibliografiju Ajdina Muhedinovića. Njegova bibliografija, naime, sada čini 8 objavljenih naučnih i stručnih radova, na bosanskom, engleskom i poljskom jeziku te 15 stručnih prikaza i osvrta, koje je počeo pisati i objavljivati još kao student završne godine II ciklusa studija i nastavio kao student III ciklusa studija. Posebno cijenimo činjenicu da je kao saradnik u Institutu za historiju i autor otvoren za saradnju, što se vidi iz realizacije individualnih i zajedničkih naučnoistraživačkih projekata u Institutu za historiju. Do sada je, naime, realizirao jedan individualni projekat (2020-2023 - „Djelovanje i uloga Muslimanskog dobrotvornog društva Merhamet (1941-1945)“. Projekat je realiziran u periodu februar 2020 – februar 2023) – Dio rezultata je u postupku objavljivanja, što je kandidat potvrdio priloženom Potvrdom Univerziteta u Sarajevu – Filozofskog fakulteta (br. 03-13/117-1 od 19. 7. 2024. godine), drugi individualni projekat je u toku (2023-2027. „Političko i vojno organiziranje muslimana na području Cazinske krajine u periodu 1941-1945“), a kao član istraživačkog tima učestvovao ili učestvuje u realizaciji sljedećih timskih projekata:

- 2019-2020. „Sarajevo – Centar ili periferija?“ - Voditelj projekta: dr. Enes S. Omerović

Projekat je uspješno završen, a kao rezultat rada na projektu publiciran je rad: „The attitude of the authorities of the Independent State of Croatia towards the refugees in Sarajevo during 1941 and 1942“, *Historijska traganja* br. 20, Sarajevo, 2021. 173-198 str.

- 2023. „Sedma republika na sudu: Lični dosijei oficira JNA kao dokazni materijal u bazama Međunarodnog kaznenog suda za bivšu Jugoslaviju“. Voditelj projekta: dr. Edin Omerčić, Univerzitet u Sarajevu – Institut za historiju. Realizacija projekta u toku.
- 2023. „Urbanizacija Bosne i Hercegovine u XX stoljeću - izvori, historiografija, nova istraživanja“. Voditeljica projekta: dr. Aida Ličina Ramić, Univerzitet u Sarajevu – Institut za historiju. Realizacija projekta u toku.
- 2023. „Svakodnevni život u Sarajevu za vrijeme Drugog svjetskog rata“. Voditeljica projekta: dr. Sanja Petrović Gladanac, Univerzitet u Sarajevu – Institut za historiju. Realizacija projekta u toku.

Broj navedenih projekata, učešća na stručnim i naučnim konferencijama odrazio se i na obim priložene bibliografije Ajdina Muhedinovića, što je već istaknuto. Stručni i naučni radovi koje je do sada objavio u relevantnoj bosanskohercegovačkoj historiografskoj periodici, samostalno ili u koautorstvu, a naročito radovi objavljeni na engleskom i poljskom jeziku kod bosanskohercegovačkih ili stranih izdavača, kao što je slučaj sa radovima („The attitude of the authorities of the Independent State of Croatia towards the refugees in Sarajevo during 1941 and 1942“, *Historijska traganja* br. 20, Sarajevo, 2021. 173-198 str. ili rad „Bracia czy obcy“. Słowiańscy muzułmanie jako „Turcy“ i „poturczeńcy“ na północno-zachodnich Bałkanach (“Brothers or the Others”: Slavic Muslims as “Turks” and “Turned-Turks” in the North-Western Balkans), *Prace Historyczne/ History Notebooks*, Jagiellonian University - Institute of History, 150/2 (2023), 243-261 pp.) te učešće u programima međunarodne akademske mobilnosti kroz Erasmus+ program, gdje je proveo jednomjesečni boravak na Eötvös Loránd univerzitetu u Budimpešti, najznačajnijem univerzitetskom centru u Mađarskoj, dodatni su argument u prilog tvrdnji da se radi o kandidatu koji je ozbiljno shvatio i prihvatio izazove stručnog i profesionalnog usavršavanja te aktivnog doprinosa iz bosanskohercegovačke historiografske perspektive u znatno širi znanstveni kontekst. Izbor tema kojima se bavi realizacijom individualnih i zajedničkih projekata, objavljenih radova pokazuje očekivanu usmjerenost na odgovarajuću granu, historiju Bosne i Hercegovine u 19. i 20. stoljeću te područja interesovanja koja obuhvataju modernu historiju Bosne i Hercegovine, Drugi svjetski rat, kulturu sjećanja i sl.

Cijeneći sve naprijed navedeno, s posebnim naglaskom na obim bibliografskim jedinica koje potpisuje kao autor ili koautor, učešće u realizaciji individualnih ili zajedničkih projekata, učešće na naučnim i stručnim konferencijama u zemlji i inozemstvu, cijeneći zakonom definirane uvjete za izbor u zvanje višeg stručnog saradnika za modernu historiju, što je naglašeno i tekstom raspisanog Konkursa, Komisija još jednom naglašava da:

- Ajdin Muhedinović, MA, ima završen Prvi i Drugi ciklus studija na Odsjeku za historiju Univerziteta u Sarajevu – Filozofskom fakultetu, s ostvarenim prosjecima ocjena od 8.6 na Prvom i 9.3 na Drugom ciklusu studija,
- je Ajdin Muhedinović dosadašnjim individualnim radom, posvećenim odnosom u realizaciji zajedničkih projekata, učešćem na stručnim i naučnim konferencijama te objavljenim stručnim i naučnim radovima pokazao naučnoistraživačke sposobnosti u veoma zapaženom i znatnom obimu.

Zbog svega navedenog, cijeneći zakonske uvjete i tekst Konkursa, Komisija ima zadovoljstvo i čast predložiti Vijeću Instituta za historiju da izabere Ajdina Muhedinovića u zvanje **višeg stručnog saradnika za modernu historiju** u Institutu za historiju jer ispunjava sve predviđene uvjete.

Sastavni dio ovog Izvještaja je i Potvrda stručne službe – sekretarijata (br. 03-01-521/24 od 12.8.2024. godine).

KOMISIJA:

Prof. dr. Amir Duranovic,
vanredni profesor na Univerzitetu u Sarajevu – Filozofski fakultet,
predsjednik Komisije

Dr. Enes Omerović,
viši naučni saradnik na Univerzitetu u Sarajevu – Institut za historiju,
član Komisije

Dr. Dženita Rujanac,
viši naučni saradnik na Univerzitetu u Sarajevu – Institut za historiju,
član Komisije

Sarajevo, 22. 8. 2024. godine